

Headline	TH berusaha penuhi impian pendeposit		
MediaTitle	Berita Harian		
Date	06 Feb 2017	Color	Full Color
Section	Letters	Circulation	125,514
Page No	71	Readership	947,000
Language	Malay	ArticleSize	347 cm <sup>2</sup>
Journalist	N/A	AdValue	RM 11,961
Frequency	Daily	PR Value	RM 35,884



## TH berusaha penuhi impian pendeposit

**Kita** menaruh harapan supaya rancangan pelaburan Lembaga Tabung Haji (TH) bernilai RM2 bilion dalam tempoh tiga tahun lagi di United Kingdom dan Australia akan berjaya memberi pulangan memuaskan.

Jika kena dengan jangkaan bahawa pulangan pelaburan boleh mencapai lapan peratus setahun daripada jumlah itu, bermakna perolehan boleh digunakan bagi membantu TH dalam aspek lain operasinya.

Ini termasuk dalam soal pembangunan hartanah seperti membina hotel mahupun kediaman serta hartanah dalam perancangan sejajar dengan konsep patuh syariah.

### Bonus kadar terendah tempoh lima tahun

Sehingga kini, boleh dikatakan TH sebuah organisasi yang bergerak sejajar dengan keperluan semasa dan tentunya orang yang mempunyai akaun dengan TH bertujuan mengerjakan ibadah umrah atau haji menyokong sepenuhnya usaha yang turut secara langsung memberi keuntungan kepada mereka.

Pengumuman bonus 4.25 peratus kelmarin sekalipun kadarnya terendah dalam tempoh lima tahun sejak 2011 tetap saya harai, lebih-lebih lagi saya belum lagi mengerjakan haji, sekali gus mendapat tambahan 1.5 peratus tambahan hibah.

Tentu ramai mendoakan kejayaan TH mengurus operasinya terutama pendeposit yang bakal mengerjakan Rukun Islam kelima tahun ini dan seterusnya.

Tahun depan, mereka yang bakal mengerjakan haji tentu akan selesa berikutan jangkaan siapnya 20 peratus lagi pembinaan Kompleks TH di Sepang dilengkapi hotel dengan setiap bilik di-

huni dua hingga tiga tetamu selain dewan berupaya memuatkan 1,500 orang.

Semua ini mustahil dicapai tanpa pengurusan yang bermutu dan mantap. Oleh itu, diharapkan semua pihak tidak cuba menimbulkan keraguan terhadap keupayaan TH seperti dilakukan segelintir orang politik tidak lama dahulu.

Orang politik tidak kira parti mana wajar menjaga nama baik TH yang berusaha memenuhi impian pendeposit menunaikan umrah dan haji, lebih-lebih lagi ketika kuota jemaah dinaikkan baru-baru ini.

Bagi mana-mana pihak yang cuba menjejaskan nama baik TH hingga menyebabkan pemegang akaun mengeluarkan deposit mereka daripada TH atas dakwaan yang tidak benar, sedangkan yang mendakwa tidak mengeluarkan wangnya, tentunya dia berdosa dan simpanannya tidak berkat.

Apakah dia lupa perlu menjawab apa yang didakwanya di akhirat kelak?

### Doakan TH terus berjaya

Kita tahu ada pihak di Malaysia akan mempolitikkan apa jua perkara untuk mendapat untung pada kemudian hari. Tabiat ini perlu dihentikan. Tidak mungkin seseorang itu lebih suka buat dosa daripada pahala, sedangkan mendapat pahala itu lebih mudah.

Apapun, saya mendoakan TH terus berjaya dalam mengurus operasi yang secara langsung atau tidak langsung memberi keuntungan kepada petugas organisasi dan pendeposit yang sentiasa menyokongnya.

 **Hashim Ahmad,**  
Arau, Perlis

Headline	TH berusaha penuh impian pendeposit		
MediaTitle	Berita Harian		
Date	06 Feb 2017	Color	Full Color
Section	Letters	Circulation	125,514
Page No	71	Readership	947,000
Language	Malay	ArticleSize	347 cm <sup>2</sup>
Journalist	N/A	AdValue	RM 11,961
Frequency	Daily	PR Value	RM 35,884

